

GWYN, FRANCIS (1648? - 1734), gwleidydd

Enw: Francis Gwyn
Dyddiad geni: 1648?
Dyddiad marw: 1734
Priod: Margaret Gwyn (née Prideaux)
Plentyn: Francis Gwyn
Rhiant: Eleanor Gwyn (née Popham)
Rhiant: Edward Gwyn
Rhyw: Gwryw
Galwedigaeth: gwleidydd
Maes gweithgaredd: Gwleidyddiaeth a Mudiadau Gwleidyddol
Awdur: Walter Thomas Morgan

mab ac etifedd Edward Gwyn o Lansannwr, Sir Forgannwg, ac Eleanor, merch ieuaf Syr Francis Popham o Littlecott, swydd Wilts; ganwyd yn Combe Florey, Gwlad yr Haf, yn 1648 neu 1649. Ymaelododd yng Ngholeg Eglwys Crist, Rhydychen, 1 Mehefin 1666, yn 17 mlwydd oed, a daeth yn efrydydd o'r Middle Temple yn 1667. Galwyd ef i'r bar ond yn ddiweddarach gadawodd y gyfraith ac ymroddodd i wleidyddiaeth. Rhwng 1673 a 1727 eisteddodd mewn 15 senedd a chynrychiolodd amryw etholaethau, gan gynnwys Caerdydd, 1685-7. Yr oedd yn Dori a chyfaill mynwesol i Rochester. Daliodd swyddi pwysig a bu yn Ysgrifennydd Rhyfel, 1713-4. Penodwyd ef yn siambrlen Brycheiniog, 15 Hydref 1681. Trwy ei briodas â Margaret, trydedd ferch Edmund Prideaux, cafodd stadau Ford Abbey yn Nyfnaint; bu farw yn Ford Abbey 2 Mehefin 1734.

Dilynwyd ef gan ei fab, FRANCIS GWYN, a fu farw heb blant. Wedi ei farwolaeth ef disgynodd eiddo Llansannwr i ANTHONY GWYN, cefnder iddo. Ar ôl ei farwolaeth yntau, darfu teulu Gwyn, cangen o'r Herbertiaid.

Awdur

Walter Thomas Morgan, (1912 - 1990)

Ffynonellau

Oxford Dictionary of National Biography

W. R. Williams, *The parliamentary history of the principality of Wales, from the earliest times to the present day, 1541-1895* (Brecknock 1895)

Foster, *Alumni Oxonienses*

G. T. Clark *Limbus Patrum Morganiae et Glamorganiae* (1886)

Dolenni Ychwanegol

VIAF: [58035152](#)

Wikidata: [Q5481184](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

